

坐忘一夕迅風拔木雷電大雨庭前坎墻之地水猶沸涌以杖攬之得碧玉印兩紐用之頗驗每歲遠近祈求或受符籙者詣其門以印印籙則受者愈加豐盛所得財利拯貧救乏無不稱嘆

又尹道全者於衡山修洞真還神徹視之道兼佩五帝六甲左右靈飛之符天真降焉謂之曰夫白日昇騰者當有其才而後成其道者漢武帝劉徹感降天真授五岳真形靈飛十二事纔得口解之道而不得形骨俱飛汝受其一而有沖舉之望斯乃勤苦所資亦宿分所稟矣因問靈飛十二事曰靈飛昔金母所授欲使武帝安五岳福萬民而卒不究無爲之道藏輯要

三洞群仙錄

卷

翼集五  
八〇八

至化贖武窮兵殺傷流血自敗其福故不得如軒皇夏禹乘虬駕龍解形隱景斯爲失矣

周撫亭長丁度館主

真誥南門亭長今用周撫代邾鑿一門有二亭長輒有四修門郎一天門凡八修門郎

括異志慶歷中有朝士冒晨赴起居至道衢見美婦三十餘人靚粧麗服兩兩竝馬而行若前導儀見丁觀文度擁徒皆轡繼之而去朝士驚曰丁素儉約何姬侍之眾多邪有一人最後行朝士問曰觀文洎宅眷將遊何處對曰非也諸女俱迎芙蓉館主耳時丁已在告頌之間丁卒